


158
4
80

武平公集  
四  
五





春

山明

香岩

香岩題



7. 10. 2  
購求

京華名勝集

卷四

圖

安藤家藏書

書名

京華名勝集

卷番號

四号 冊

著者

本箱號

廿一号





香岩





嵐山春曉

留山深海克

天自白樓高。交明溪流一掬洗餘醞。  
花間未著笙歌響。只有函禽得素鳴。

遊嵐山

鳳陽神山明

禽聲隔水飛。紛々知是峽天春。十分  
風意多端弄。花氣凝成山霧散。溪雲

槐宇書題

京華名勝集卷四

平安

新宮貞亮文卿編輯

庚寅之歲在京師。仲冬十三日。與中村多門

穆齋知恩院書記探城外諸勝。既歸寓舍。追記其事。四

十八韻。

村上剛

萬邦誇勝槩。孰及我京師。桓武曾胥宇。神孫永

據之。衆流皆混濇。群嶽競厓巖。秀氣浮丹闕。清音遶

赤墀。城中既如此。郭外定何其。豫具阮郎屐。擬褰董



氏惟穆翁重夙約。折簡促佳期。欹枕數更鼓。開門未

曙曦。履寧論巨小。劍各佩雄雌。離市紅塵少。入村白

屋卑。茜裙戴薪女。筠笠牧牛兒。鞍馬名山驍騰勢將軍

名。颯爽姿。參差接天聳。迎送與人隨。荒店踞牀憇。輕

煙把管吹。秦工手織錦。俗傳太秦往古秦人歸化織錦處茶媪口殘

碑。近指皇儲廟。太秦廣隆寺聖德太子所創建偶經儒士祠。車折

祭清原賴業雙眸俄覺朗。抵掌共呼奇。照以堰江鏡。寫成

嵐嶠眉。三船感雅舉。千樹想芳時。列刹焚香遍。老禪

導客遲。虛空藏菩薩。在法輪寺大聖釋牟尼。在清涼寺小督投

踪密。龜山有中書上隱宜。天龍寺內有中書王隱居遺跡琴彈想夫

曲。賦著菟裘詞。集瑞軒。在天龍寺評畫栖霞觀。在清涼寺源融所建

詠詩。隴平還望蜀。溪盡或過陂。迂路復尋寺。捨身果

屬誰。祇王薤髮絲。阿佛着衣緇。讀誦新經卷。洗除舊

粉脂。林花留艷態。野艸賸佳辭。將度長刀坂。俯臨廣

澤池。固無纓可濯。只欲釣茲垂。御室山光麗。琳宮仙

界疑。寶筍聞妙弄。適聞宮中吹笙朱戶禁叨推。四國昔弘法。

諸堂今創基。御室山中新建八十八尊象僧空海四國遺跡豫峯攀鐵鎖。表

某州某山或坂路設鎖讚岳嘯雲遠。下澗倦回遠。到郊喜坦夷。



鴉歸金閣表。月出紙川涓。連地靈塲闕。有隣懿德滋。  
平野北野 賽來踏梅影。拜去蔭櫻枝。街面霜鋪玉。藁  
廟地相接 端凍類銚。二夏達寓舍。一飽消寒飢。終日窮娛樂。拾  
珠磨失遺。偏憑朋友惠。必作文章資。魯叟登東岱。史  
公闢九疑。壯觀生壯志。幽討發幽思。廿歲脚方健。漫  
遊心所希。輪蹄力不借。屐涉勞何辭。追記悠悠意。管  
城侯獨知。

懋太秦茶店

北條讓

茶煙習習遶筠床。夏近閑庭愛嫩涼。應有殘花棲綠

葉。葉陰時或送幽香。

太子堂 在廣隆寺內

金木相觀

講究鬢經未齒年。奇譽西土亦流傳。怪君恩已及禽

獸。喪服還甘屠大連。  
尤洞日本竹枝王  
子七歲講勝鬘經

過常盤里有作

島田敏

不守尋常女子貞。懷中龍種獨關情。他年果爾騰驤  
勢。蹂躪仇家百萬兵。

常盤

日柳彰

如此呱呱凍餒何。欲行無路宿無家。豈知孤笠蕭蕭



雪他日東風吹作花。

又

庄原懿

雙珠完得璧成瑕。一代容光陰麗華。他日鑱臺歌白雪。歲寒更有女貞花。

嵯峨野

遠山澹

美人遺世跡堪憐。也似英雄去學仙。一盞臙脂銷不得。露花紅滴暗蛩邊。

宿嵯峨山家

江馬聖欽

一點燈殘夜悄然。高林影暗月籠烟。千峯圍繞半間

屋。幾處溪聲到枕邊。

訪六如師嵯峨山居途中遇之。

大窪行

至此閑居知不遠。山重頓覺景初真。行隨牛犢過幽徑。忽遇袈裟出密筠。顏與松蒼應有道。形同梅瘦豈無因。途間一見試相問。不錯嵯峨老上人。

秋夜宿六如上人無着庵

松本慎

方外無尤久負盟。任吾踈懶悞交情。葛原相訪年頻隔。峨阜始尋秋正清。仔細論詩仍舊識。等閑把酒坐



東華集卷四  
殘夏應知賓主俱和樂。忽送呦呦野鹿鳴。

六如上人塔

河野顯

兜率天堂拂袂還。空留舍利在人間。江西詩法誰相問。一片閒雲舊住山。

車折祠

劉翥

人影隱祠花。鈴聲響階竹。清公儒雅宗。賈豎來祈福。

清原賴業

青山延壽

皇家全盛日。西邦使聘通。絺藻艷如春。爭鳴皇家  
隆。落落清夫子。後進錄奇功。學術究淵源。一洗李家

風。道德高一世。鬱爲此道宗。卓哉惺窩翁。千歲繼芳  
蹤。

嵐山

山中獻

偃水紅霞外。春雲簇翠微。倚橋看月出。過寺惜花飛。  
帝昔移芳種。山長帶罷輝。遙尋御遊跡。萬點露  
沾衣。

暮春遊嵐山卽事

岩垣松苗

西郊春已老。何處覓芳馨。天霽川流暖。霞消山色醒。  
殘紅纔一樹。嫩綠滿三亭。憶得香魚美。買竿釣晚汀。



嵐山曉景

仁科幹

月沈芳蔚靜。更覺夜櫻靈。水似烟初動。山如酒未醒。  
花繁春瀑濕。露淡曉香青。思句人何處。遙遙七老亭。

遊嵐山

宮原龍

夕陽在岸一林明。臨水千枝弄晚晴。怕放輕篙觸紅  
雪。扁舟不敢近花行。

又

野田逸

鬢影釵光相逐還。獨尋餘興繞溪灣。一痕不假天心  
月。雪白櫻花照夜山。

甲戌仲春陪山陽登菴兩先生觀花於嵐山。

江馬氏梟

微風晴定淑光和。小隊輕裝取次過。不恨看花二日  
早。滿枝開遍醉人多。

春夜遊嵐山

兒玉茂

為惜殘芳趁暮行。嵐光波影自雙清。妓圍欺雪春簾  
冷。燈火懸星夜樹明。月渡橋來疑有約。花淨水去恨  
無情。四時此境遊皆好。不負風流茶店名。  
茶店三戶名以雪月花

嵐山作

波多激



梵林晨起嗽香汀。昨夜閑潭夢亦清。朧月渡橋天欲曙。宿雲離岫雨初晴。花含嵐暈新添媚。松蓄風濤徐送聲。多謝山僧能解事。一甌春茗折餘醒。

臨川寺

釋周然

幽寺堰川北。水黑月未生。夜深知雨到。一半是松聲。

渡月橋

欲問昇天路。長橋踏月度。淺水鳴珮環。恍聽仙娥步。

三級巖

泉飛三級巖。萬玉空中吐。山風時一陣。散作滿川雨。

笛姬淵

○千鳥淵

瑤笛吹春恨。落花流不回。猶疑羅襪影。潭上月徘徊。

暮春十三日。過法輪寺。

金本相觀

隔水樓臺帶彩霞。酒家青旆傍堤斜。衣香扇影人如織。半賽瞿曇半看花。

大堰川

藤堂興

崔嵬雲物接丹州。了以功存古碣頭。秋水纔深龜峽雨。夕陽猶繫鳳津舟。當時詞賦人皆盡。絕代江山跡久休。今日經過何限意。西風落木動汀洲。



大堰川行幸圖

壘田萃

睿賞曾經駐翠華。白雲紅葉寵光加。三船久欠詩歌樂。不愛楓林只愛花。

宿嵐山下。早買舟泝堰河。至保津而歸。詩以紀之。

武元質

曾聽堰水源。巖壑殊秀絕。投宿嵐山下。買舟候曉發。溯流入幽溪。左右山峭崿。石亂雲氣浮。崖欹樹根裂。裊裊細麻繩。率舟凌激洌。經潭破青藍。上湍蹴白雪。避石工躲閃。撐竿從屈折。長年意何安。遊客魂偏慄。

近午到保津。龜山城突兀。酌酒淺沙頭。流眄稍曠豁。歸舟忽回棹。瞥然如箭疾。溪鷺聞乍遠。岸花見忽失。來時艱苦處。千層來一抹。歸到嵐山底。花開勝昨日。看花又到暮。斯遊興何息。

舟溯嵐峽。其間多奇石。偶得絕句四首。二節

遠山澹

秦火當年何得焚。緗黃化石蘚成紋。一篇擬就山靈借。必是人間未讀文。堆書巖

荆關董巨為誰工。過眼雲烟轉眼空。狡獪化兒無赭



墨未能寫上石屏風屏風

喝蟾上人要余遡嵐峽抵寶珠津舟中記矚目

五絕句二節

梁川孟緯

瀧水穿雲曲折通巖花開遍映山紅舟行著色屏風裏人在回文錦字中

回風飛雪泉掀舞臥虎跳龍石倒奔過盡艱危始安穩人煙一簇寶珠村

冬初出遊遂到大悲閣

北條讓

野橋過盡立山層鐘出翠微思一登臨渚誰家浣衣

女投村何處打包僧風鳴隕籜如行雨月照懸泉似裂冰急景路遙天已暝煙中踈耿佛龕燈

任有亭漫詠此似雲法師故居

楓林交翠翳孤棲一點寒燈照暗溪鳴鹿聲聲人未寐月沈簷外數峯西

過小督墓

新宮碩

滿庭白露夜如銀寂寞西郊月一輪陳跡于今餘片石無情草沒有情人

小督詞十

矢上行



秀外移他罷。慧中知後艱。殘宵出椒殿。白日掩柴關。  
遁迹依稀處。徽音斷續間。但愁逢虎口。敢忍背龍顏。  
寓意侔求劍。垂恩速賜環。梅妃雖遇虐。班女幸無患。  
覆水終歸海。行雲復向山。新妝歇韶冶。古刹任清閑。  
人道難持滿。天心自好還。君看寂光院。禪窟擁高鬟。

源仲國尋小督圖

東娶

密旨宵馳御史駟。露花烟草月明中。琴邊彷彿尋芳躅。  
天語遙傳一笛風。

又

松本衡

柴門立馬月明中。夜色蒼茫望欲空。認得想夫憐一曲。  
幸然不被亂松風。

天龍寺

藤堂興

漢苑凋殘龜尾邱。王家草木古今愁。山深玉碣迷仙窟。  
賦就青雲感菟裘。破廟春風花自落。南溪夜雨水空流。  
黃金枉築天龍寺。唯是前朝恨未休。

秋日嵯峨直指庵。晤森節菴。時節庵將歸湖東。賦此言別。

釋秦問



踪跡真成雪裏鴻。客途逢客太匆匆。連峯全現煙雲外。古寺多藏竹樹中。一路新霜歸鬢白。半竿殘日去帆紅。龍鍾旅服兩邊淚。我正西時君正東。

春日大覺寺法王賜宴於大澤池亭應命。

鳴規

今春多雨擾煙華。非辱佳招何出家。山放青嵐如命坐。林留艷景尙看花。溪簫塢笛雲三弄。畫閣雕欄玉一涯。手賜芳觴辭不得。野人醉態奈欹斜。

庭湖館侍宴恭賦

村田哲

陳柯嫩樾靄朝曦。揭盡珠簾張宴時。山鎮皇京接神嶽。水開大澤似龍池。賜觴初覺嘗甘露。叨坐何圖愛野詩。爲倣縱橫騷客筆。汗筵醉墨亦淋漓。

過廣澤

摩島弘

池水波寒老紫菱。霜楓幾處映秋塍。村翁肅拱爲吾說。一簇松雲是帝陵。

七月既望廣澤賞月二首。野呂隆訓

夜禽鳴水際。憂憂如叩石。月睡敗荷間。只觀天一碧。鳴鑿遊幸地。野草露猶香。嚶嚶金鈴響。秋蟲月下涼。



秋夜宿厭離菴

摩島弘

殘日半林楓葉殷。伴雲來宿古禪關。中宵夢斷寒吟骨。石氣苔香透枕間。

謁仁齋東涯二先生墓

相馬弘

德行與博物。扶桑推兩公。請看後起者。率咸承遺風。不須崖石勒盛業。高名載在口碑中。

野宮

遠山澹

佛氏莊嚴欺衆蒙。如何素朴德無窮。祠門不劉不塗飾。束得枯柴護故宮。

遊祇王寺

○往  
生院

小野達

落日淒風祇樹林。古墳一座碧苔侵。當年春夢人何處。野草青青依舊深。

過妓王故居

釋五岳

何須姊妹競恩華。一入禪場與世賒。不做昭陽蠱成帝。敢同西子誤夫差。佳人未路多歸佛。名妓前身是落花。舞袖翩翩今那處。唯看遺像着袈裟。

佛妓歌

賴惟柔

北陸雪底出小茶。破瓜西上動京華。膽氣亦能蓋一



世。聲色自驚相國家。一曲白舞擠二祇。榮寵乍奪翻  
袖裏。詎料銅雀出義妓。以新聞舊意不喜。二復深悲  
野草歌。追入西山共袈裟。寶釵同然松葉火。纏頭獨  
有落花多。嗟乎丈夫誰能如汝節。脂粉叢裡辟支佛。  
釋氏要覽曰辟支梵云  
辟勒支底迦唐言獨行

新田公祠

○雍州府志曰新田義貞祠在三寶  
寺勾當內待之所建也明治紀元戊

辰冬平安人渡  
忠秋修復此祠

森田居敬

源家世建節刀功。誰料門庭出老兇。當日若無中將  
死。醜聲長累八幡公。

又

村上剛

義兵一舉戮長蛇。千里退潮威力多。翻對佳人惜離  
別。只難防禦是秋波。

題清涼寺

野口景張

海師創業梵玉城。仰見傳燈千歲明。三國移來此安  
置。巖然天竺古先生。

常寂寺

此前中書  
王隱述

北條讓

親王才藻照朝班。冠冕早拋心跡閑。一自菟裘埋碧  
草。幾年紅葉滿龜山。



小倉山

山本秀夫

來訪昔年名士莊。幽亭臨眺領秋光。風流人去山無色。落木寒泉自夕陽。

又二首

菊池純

追慕黃門跡。來尋白屋間。斷碑苔蝕字。僅讀小倉山。老楓留古詠。遺愛認殘株。時雨亭何在。一鳩隔竹呼。

時雨亭

遠山澹

片雨無端過小倉。半山紅葉忽斜陽。團茅一把傘來大。不使高蹤付渺茫。

宿清瀧山中

三善行與

水侵衣袂汗初收。忘夏却驚涼似秋。激石溪聲如猛雨。夜深添響撲簷頭。

又

中島漁

一宿綿峯下。孤村碧澗中。人間憐地隔。醉後訝途窮。比屋樓臨水。高歌坐濕風。泉聲猶誤雨。不覺曉霞紅。

愛宕山

久野恭

天象非難伺。星河晝亦浮。樓臨飛鳥背。人坐宿雲頭。驟雨來千里。涼風控數州。披衣高檻上。蕭颯似清秋。



登愛宕山十韻

安國熙

千尋攀突兀。百折度紆盤。跼蹐纔穿洞。飄飄忽上壇。  
危巢蒼鷲擊。大澤黑蛟蟠。騷雨飛鞋底。歸雲觸笠端。  
陰晴分衆壑。出沒變群巒。日落鳧江白。霞橫鳳闕丹。  
硯池湖水望。蟻垤叡山觀。若取崧嵩比。定為孫子看。  
神仙知境異。宇宙覺心寬。舉手天盈尺。青霄何足難。

空也瀑布

在岩麓古云禪定岩空也上人修定於此故俗云空也瀑布

釋周然

群峯圍繞碧崔嵬。層崖相逼作門開。有人禪定岩中

住。不問桑滄幾變移。百尺懸泉穿岩腹。萬斛清涼鑿  
炎溽。如何一洗惡詩腸。盡使咳唾作珠玉。

高雄

草場廉

十里紅雲映碧流。遊人多在夕陽樓。筆鋒誰有并刀  
快。剪取溪山錦繡秋。

遊高雄

仁科幹

溪山霜染葉。雨聲飄乾紅。我來宿楓亭。雨洒枕邊空。  
夜深溪月白。巖泉半是風。

癸巳晚秋同牧齋齋福元僊。携加州山田九如



為高雄之遊。秋巖仙史後來。是夜宿紅葉亭。明  
早品茗於溪畔。分得溪字。

紀選

酒醒天欲曙。喔喔已鄰雞。初日未升嶺。宿雲猶在溪。  
茶香烹石瀨。鐘語仰招提。紅葉撲衣冷。山禽出樹啼。

遊高尾山分字得燈

小石龍

早起看秋色。山窓未滅燈。曙雲峯幾疊。霜林錦千層。  
棲鶻驚人語。虛鐘落石磴。更欲窮幽勝。促伴上峻嶒。

題文覺上人圖

長戶讓

弦聲烽影滿山河。舊態其如技癢何。枉使他人誇戰  
鬪。惜君終世託袈裟。

和氣公祠

金本相觀

僧大臣侔馮小賢。女天皇類武宸妃。斯公亦似王  
監察。不憚直言櫻虎威。

和氣公

小野長愿

神敎堂堂傳者誰。一言能定萬年基。可憐吉備老名  
士。覩在同朝稱帝師。

槓尾

並河大受



律宗之寺太清閑。偏劃門前霜葉殷。猶厭紅塵紛墜到。背風山衲掃禪關。

梅尾山歌

賴襄

霜楓歷溪疑無水。架溪一橋斜通寺。晨霜漸融路猶濕。粥魚聲隔錦雲裏。認是辨公遁跡處。溪邊茗圃猶可指。一自法雲萌雀舌。靈液蘇得世界熱。誰洗鋌血聽塵言。想應予坐許對啜。一椀喚醒英雄夢。九世傳授淡泊訣。君不見佛圖待石虎如海鷗。孰若此公化武州。減騎知過此橋入。若個紅樹繫紫騮。且借僧榻

談千古。不妨又呼雪乳甌。

高山寺賞楓

寺在梅尾

遠山澹

奔碧倒青霜樹間。鏘鏘相趁到高山。無端緬想御遊日。錦繡叢中響佩環。

仁和寺

齋藤正謙

撲地暖香雲幾團。賞吟倚遍玉欄干。昏鐘破例為花晚。放却山門到夜看。

仁和寺闢其後山。新構八十八佛堂。每堂安置二聖尊容。以擬四國八十八箇靈場。已亥暮春



順詣於此。

釋亮恩

巍然八十八香壇。松際巖頭隨處安。縮取海南四州地。移來京北一林巒。危梯屈曲行疑返。勝境幽深狹似寬。解得萃嚴無礙說。微塵刹土在毫端。

雙岡

遠山澹

不佛不儒書幾編。言多醒世豈徒然。無雙才子雙岡下。可惜唯將好色傳。

又

筱崎瀾

艷筆漫揮全性命。青燈獨對送生涯。君看宮姬乘月夕。秋霜烈日此心知。

妙心寺

清敬直

鵝殿蜂臺淨絕塵。觚稜削碧瓦彫珉。名園終化拈花地。御影長歸微笑人。門啓三途朱戶燦。松分四派翠陰新。大燈之後揚燈焰。千萬燈傳五百春。僧慧玄白足弟子四人分爲四派。各種松一株于法堂前以爲法脈。榮悴之符俗謂之四派松。玄嗣法大燈國師。

又

劉燾

春色釀春愁。翻然思幽趣。善哉微笑庵。不種一花樹。

龍安寺

清敬直



古刹蕭條搖落時。寒煙冷吹望還奇。圍屏山澗深深翠。截穀池皴細細漪。香積清規僧侶瘦。網羅嚴禁鳥群嬉。舊遊屈指三十載。敗葉埋殘題石詩。

龍安寺園池看鴛鴦

江馬聖欽

蘭汀芷渚水東西。逐也遲遲飛也低。莫伴閑鷗向滄海。恐他風浪失雙棲。

等持院

清敬直

等持蘭若繖山邊。憑弔難堪淚泫然。當日貴人多佞佛。祇今貧道半逃禪。荒林鳥咽知何意。遺礎苔纏定幾年。前代將軍十五像。一朝併付丙童煙。

衣笠山

遠山澹

冰綃裹楸白模糊。看做雪晨炎夜無。意匠  
聖天子。不須強掛北風圖。  
寬平



送青脊

翠


戴星三井敬書





明治庚午秋日寫為  
菴城先生 雲心迂

閻 印



峭壁撐天起  
羣山如地橫  
旭暉生瑞彩  
長護  
鳳凰城  
柳垣龍題



登天台山二首



羊腸天曲苦躋攀。寺在松杉濕翠間。俯見鳳城家十萬。仙稟未  
心隔人素。雲母阪高重霧鎖。四明更覺暝  
溪回峭寒時。有天風卷不得遊  
人之在山

翠亭老人俊茂



京華名勝集卷五

平安

新宮貞亮文鄉編輯

鹿苑寺

清水長孺

將軍別業北山傍。康曆年間卜此鄉。樓閣塗金皆剝  
落。林池凝碧已淒涼。蛛網遺像威何在。僧導遊人說  
又長。鹿苑真成多鹿跡。登梯傍檻意徒傷。

金闕寺

釋果

豪奢留古蹟。棟宇想英風。山笑浮春翠。池平蘸夕紅。



干戈續輦下。肘足交車中。君獨享斯樂。悠悠任大空。  
又

遠山澹

傑閣三層凌彼蒼。豪華今已付空王。穉黎未免刀兵劫。列國爭輸花石綱。金碧何知是膏血。山河徒閱幾桑滄。末由釃酒吊陳迹。落日欄干心暗傷。

春夕遊平野

鳴規

水淺何勝花影密。花嬌似怯水聲清。不知誰解抽奇筆。寫此春風無限情。

北野管公廟

雷田稼

垂髻仰止相公賢。祠宇拜來何儼然。樹感靈威生一夜。人欽盛德殆千年。賜衣猶慕霽恩露。貶秩寧嗟入瘴煙。但剩當初捧日志。忠精赫赫雷行天。

管廟梅花

賴惟彊

昔日瓊姿倚御筵。狂飈吹起落江邊。群花婉媚榮枯急。一樹流芳千載傳。

管相公

野田逸

天教明主振斯文。豈意臬臺却共群。誓注丹心酬大寵。咲看白面詔微勲。羈身獨咏西溟月。隻手誰排



北闕雲。唯有梅花遺愛在。猶思舊德吐清芬。

又

大沼厚

筑紫紫宸同得宜。此心秉正本無奇。松分一夜梅千里。問在天靈總不知。

北野茗讌

大槻清崇

戰鼓纔收鬪茶起。相公屈節學千翁。破甌折七連城價。籠絡群雄墮毅中。

題鏡背輿地圖

家長淳

大鏡如大陽。朗瞳未嘗蝕。懸之明神前。妖魔無所匿。

背縮蜻蜓州。形勝供指摘。島嶼星散布。波紋遶邊碧。維桐與桔梗。君臣徽號別。阿虎藏菅廟。乃以表勳戚。憶昔天龜際。海內荆榛塞。豐氏起中土。東西務斬擊。七道致底平。肱股尤有力。絕海重奉節。揮霍鷄林域。八路望風奔。雄飛虎傅翼。歸來頭已斑。往事恍在臆。薄海幾山河。莫地非曾歷。鏡背可磷磨。我蹟烏堙滅。鏡面承塵垢。我心誰蔽得。管相如儼在。兆庶仰靈德。正直神所與。永矢許家國。寶鏡一團光。萬古照淑慝。忠勇一片心。百世可矜式。



紫野

劉翥

思茶過古寺。携酒入今宮。滿野山光麗。人遊暮紫中。

大德寺

寺門良

回頭世事片雲浮。山色依然歲月流。多少英雄骨皆朽。磬聲冷響法堂秋。

題大德寺圖

後藤機

翠竹青松紫野邊。木魚雲板絕塵緣。趙州家法喫茶去。此裡一燈千古傳。

雲林院

佐藤誠

絕無花柳鬪芳妍。松影參差古寺邊。欲問幸地瑞烟不上一千年。

七月十四夜自寶珠津歸柳原村途中即目。

卷大任

幾隊華燈挂半空。歌聲笑語月明中。塋頭古墓無人祭。一點秋螢照露叢。

四月十日陪星巖先生紅蘭夫人遊鷹峯。

鱸元邦

急湍奔絕澗。竹樹暗烟霏。水與石爭響。風過雲駭飛。



更無遊客跡。時有採樵歸。何合陪嘉遯。來烹笋蕨肥。

鷹峯

遠山澹

稻香繞寺盡田疇。鐘磬相聞境更幽。鳥雀飛來還斂翼。蒼鷹山下十分秋。

菩提瀑

張氏景婉

峻嶒雙石峙為門。問路只憑樵者言。澗草香迷胡蝶夢。巖花吹斷杜鵑魂。千重峯疊林參錯。百道泉飛雲吐吞。誤矣水窮山盡處。逐他脚下作真源。

小野道風祠

在杉坂

金本相觀

二王以後誰同調。三蹟之中最絕倫。請看災餘宸眷切。惜公書疏似傷人。

小野篁祠

在東河內

不但詩情合樂天。羈淪同跡亦堪憐。謫行吟就青衫濕。恰似潯陽臥病年。

遊西賀茂靈源寺

久野恭

幾簇櫻花低壓軒。盈盈恰似白雲屯。惜春情在黃昏後。多恨山僧早閉門。

上賀茂

江馬聖欽



地遠松杉老。苔痕終古青。人來生畏敬。草木自神靈。

競馬

劉昇

欲騁先相揖。豈非君子爭。金鞭管後者。錦旆表先鳴。回雪吹無跡。飛星流有聲。事終浴泉水。鬣尾動新晴。

春末從京歸貴船舊居

釋西笑

城北白雲深處寺。塵稀俗絕蘇詩思。舊居一水明於珠。散漫棗棠金覆地。

遊鞍馬山

長戶讓

不辭鞍馬遠。來訪古招提。閑宿千年火。山懸百丈梯。

怪禽啼絕谷。驚鹿走幽蹊。欲問牛郎跡。喬杉夕日西。

又

松本衡

滿城紅紫已摧殘。只有山中花可看。落日荒祠春寂寂。晚櫻低壓石欄干。

又

新宮碩

牛郎要報我家讎。擊劍夜將山鬼遊。借問酣眠平相國。鴛鴦衾暖夢安不。

詠史

釋大珍

北然總角有英姿。鞍馬山中學劍時。一夜艱難經鶻



嶺千秋祭祀屬蝦夷。蒼蠅自古讒亡極。尺布于今歌  
可悲。鬼武若能全友道。姦雄豈敢亂朝彝。

惺窩先生墓

小野長愿

古墓苔深春又春。爲欽高義淚沾巾。詩書振起聖賢  
道。敢伍抽旗摩壘人。

宿洛北二瀨村二首

佐藤坦

孤村遡幽澗。寥廓隔市井。有堂曰奉先。昔賢真真影。  
斯文有所自。盥洗薦蘋苳。仰止不能去。晷短燭已秉。

村係司成林公食邑  
奉先堂即林氏影堂

敲石煮溪毛。半夜且撫景。鹿鳴山月高。木落溪雲冷。  
不寐聽巖泉。心目恍以憬。露坐被曉霜。惕焉如有警。

岩倉山中

山中獻

春流曲曲抱崑岬。獨木橋橫徑更斜。羨殺幽人極清  
絕。一菴之外只梅花。

拜藤納言藤房埋髮塚

賴襄

黑頭非是不勝簪。雍削誰知用意深。玉土終歸姦賊  
手。空埋曲局念君心。

藤房

村上剛



朝衣忽換法衣輕。聽取南風有外聲。莫道巖倉山月色。不如千古湊川清。

題藤房遁世圖

古賀燾

嘉遁傳千古。堂堂一納言。浮雲纏帝闕。孤杖向僧門。南北天時異。行藏世運存。遙憐芳野上。回首戀中原。

市原聽蟲

釋西笑

非風非水韻泠泠。喚得閑人出野坵。月影在山還在野。露珠發裏鼓金鈴。

宿普陀洛寺

世稱小町寺在洛北市原野小野氏終焉地云

山田信

歌咏千年世永留。名媛遺迹暮雲愁。芒花花上秋風度。白月光寒枯髑髏。

松崎有大黒祠

遠山澹

桃紅籬落雜松青。設色天然好畫屏。山水此鄉多眼福。野祠也自有神靈。

下加茂祠

菅晉帥

祭儀肅穆豆籩清。千歲羊存文物明。樂闋餘音無覓



處。一林閒月水錚錚。

又

劉翥

樂罷星輶返。祠門歌舞新。幔搖層蔭綠。葢散雜花春。  
並興皆公子。垂綸有麗人。青青芳艸色。日夕起紅塵。

癸亥春三月

龍駕幸於加茂。恭拜觀道傍。賦

以記喜。

釋果

輦道逍遙金鳳凰。羽林警蹕共鷹揚。柳邊淑氣迎仙  
仗。花外祥風惹御香。布澤當知被黎庶。展威正竟及  
殊方。鄙人幸伏康衢側。咫尺龍光拜典章。

文久三年三月十一日

上幸加茂。恭紀十六

韻。

清敬直

青章麥生節。移蹕禮靈祇。畫戟森填陌。重營嚴列

湄。雨工清道濺。風伯拂氛吹。流惡杜詩流惡邑里鳧清注惡垢穢鳧

川潔。敷榮紉楸滋。鷄鷄隨鳳輦。貔虎揭龍旗。千萬

金吾衛。公侯冠冕姿。修多年墜典。立一代鴻規。赴赴

將軍勇。雝雝天子儀。明禋咫尺烏廟。崇祀別雷

祠。雖曰神之禱。猶然兵是治。折衝先定策。式遏速陳

師。勉我勤王士。殲他猾夏夷。乾坤荒景改。日月瑞光



東華集卷之五  
披遂以鑿民瘼。而能張國維。耄倪各歡躍。文武共恬熙。仰視唐虞德。長垂億載基。

訪海屋翁加茂新居。飲其咲青亭。

鱸元邦

幾間茆棟敞。萬卷玉籤明。煙林透連郭。晴川曲繞城。看君閑富貴。使我薄簪纓。相對浮杯處。青山一咲橫。春盡日。訪海屋先生舊居。村田淑。須靜堂空鎖晚春。筆花零落硯生塵。高梧脩竹依然在。坐對青山不見人。

糺林納涼

釋道應

郭外潺湲鳧水流。過橋小徑入林幽。別通一派殊清絕。人就旗亭預買秋。

六月朔陪白谷先生遊糺林得魚韻。

福田思恭

京北名區探勝初。看來恰似閱奇書。翠林殘雨猶沾鳥。白石清流可數魚。熱景自隨荷氣冷。病懷更借酒功舒。涼棚日落人將散。絕愛毬燈映碧渠。

遊糺林

原

宮原龍



愛靜落人後。宵深去向城。燈殘水影滅。露墜林風生。  
竹裏路疑斷。月邊池忽明。清輝猶半岸。帶醉好溪行。

沙河

賴襄

雁齒橋東麗眼籬。一條路與岸相隨。人家半竹半梅  
處。遊屐些寒些暖時。水碓無聲村巷靜。風箏有影夕  
陽遲。旗亭面熟留吾醉。還愧垂楊照鬢絲。

中秋同海屋雲如二先生飲漾月亭三首

錄一

村田淑

殘暑留城市。清秋聚水隈。划舟任搖蕩。載酒儘滌洄。

帶雨園花落。含風岸柳摧。亭名不虛設。山月漾波來。

山中嶺

山本錫夫

數里溪間路。松杉夾徑幽。懸泉如瀑布。臥石似眠牛。  
岸響臨流碓。樹栖呼雨鳩。行窮最高處。山水快吟眸。

題牛眠石

石在白川山中之路傍

琴希聲

白水多奇石。尤奇臥石牛。尻肥如斷尾。角折見團頭。  
自昔天能縛。至今人懶收。世流不流轉。千萬歲遲留。

白幽子舊棲在白川山中。所謂松風窟者即此。

梁川孟緯



仙隱遺踪何處尋。谿舂行盡入嶽岑。白雲幽石依然在。一窟松風千古心。

九日同雷首春樵藜園登勝軍山。

摩島弘

狂吟高倚鳥行邊。正是夕陽黃稻天。世路他時常躋。埜山溪今日漫攀巔。傾杯自咲顏先赤。插菊誰誇鬢尚玄。醉步歸來如夢境。一牙新月萬松煙。

北山詩仙堂

富田稼

草堂肥遯對詩仙。天子呼來不渡川。倘使先生應徵出。移文重見北山篇。

又

大島淳

戎衣一脫意超然。主掌江山風月權。進退見君何綽綽。不爲武將卽詩仙。

寄題詩仙堂

久家朗

敵麓煙霞境。考槃棲一賢。英名能蓋世。清操自成仙。邁軸耽邱壑。琴書樂暮年。高風千古下。稱贊幾人傳。一條寺村。吊石丈山先生古跡。

松橋純真



東華集卷五  
一自軍門解甲還。姓名不復列朝班。先登氣銳前無敵。退隱風高臥有山。公論竟歸青史上。詩魂猶繞碧巖間。怪他羽翼商顏叟。白首紅塵跡未閒。

丈山翁

古賀煜

長槍擲却入雲林。灑落清涼居士心。幾樹梅花三畝宅。多年風月一張琴。蒼顏愧照蟬川影。白扇長留蓮嶽吟。物換星移香火盛。都因遺愛感人深。

又

廣瀨建

雙提血鬪。石丈信人豪。却以功名手。新詩細刻雕。  
一臥四明麓。固辭萬乘招。平安雖咫尺。不渡鳧水橋。時步北郊路。朗吟驚漁樵。奚囊盛佳句。掛在偃月刀。

北山道中望修學院離宮。

釋知影

城北一區雲水鄉。靈輿昨日此徜徉。苑牆嚴護宸遊跡。丘壑初傳御製章。紅葉青苔多雨露。浴鳧飛鷺有輝光。常人那得窺仙路。仰望珠宮立夕陽。

恭觀上皇幸修學院詠紅葉御製及扈遊

諸朝貴奉和作竊賦八韻。



草場韉

宸遊因省斂。物象忽生光。雲騎聯京陌。靈輿入獻陽。瀑聲添宿雨。楓候飽新霜。豬水船分興。龍河錦斷章。山呈丞相幣。池濯后妃裳。步輦猶停在。御袍誰奪將。樂原同衆樂。詠各屬時康。率土私欽仰。皇風歷美泱。

題山靜逸幽居

山田亥

台麓煙嵐隔市塵。門前咫尺碧嶙峋。謝公避世仍憂世。楊子稱貧未歎貧。躬服硯田無惡歲。家隣花戶有

長春。悠然日向東山醉。高臥如君能幾人。

赤山

帆足萬里

赤山祠宇接荒村。三友同遊我獨存。赭面烏毛無恙在。欲將往事問王孫。

山鼻

劉昇

村路遙遙晚未歸。纖纖初月映秋衣。金鱗上渚無人釣。一岸蘋花爲雪飛。

正月念日遊山背。旗亭小酌。

遠山澹



凍雲收不得。疎霰迸孱顏。斜陽紅幕。一綫破天慳。  
亭榭似待客。結構溪之灣。豈無當壚女。喚酒弄潺湲。  
四明峯在後。聊看檐角山。梅花四五本。隱見松篁間。  
乞米僧鉢重。賣薪牛背閑。獨戀林泉趣。黃昏吟未還。  
高野川麥飯店作 田孝憲

麥飯方香。偶爾過店頭。踞坐憶滄沱。臨槃寄語劉文  
叔。喫到清時味最多。

矢脊村

山本錫夫

屋向山腰結。田隨水脈分。遺風如太古。好是避塵氛。

西楠亭。矢脊村婦賣薪圖。

陽規

東髮短裙身自安。賣薪日日出林巒。細腰搬重君休  
怪。不識人間行路難。

遊大原

岡田邦彦

大原春色絕塵氛。社鼓梵鐘到處聞。松認荒陵一抔  
土。花攀峻嶺萬重雲。寒岩吐氣陰晴變。飛瀑無音呂  
律分。欲問榮華廿年夢。寂光院靜鎖斜曛。

入大原山中。宿寂光院。

琴希聲

女僧迎且說。壽永覆亡秋。千載祈冥福。一門歸海漚。



遺蹤長寂寂。歷劫奈悠悠。香篆微如綫。夜寒聞覓流。

寂光院

田中賴庸

鳳輦仙遊跡已陳。尚存勝槩為誰新。可憐櫻樹含遺澤。歲歲花開領好春。

題大原賣薪女圖

大窪行

束薪賣與向誰家。戴得重重壓鬢鴉。知是深山春未老。數枝剩插晚櫻花。

無音瀑

祝希烈

瀑水黏巖不觸巖。天籟自和漁梵細。妙音不在耳根

中。呂律分流出人世。瀑流分為二河有呂律名

比叡山

山田信

昭嶢叡嶽鎮。王城紫翠煙光弄晚晴。剝闢靈基自

延曆。曾經兵燹想天正。杉梢攬攬刺空密。湖水漫漫

涵麓平。八月山僧開火閣。不知下界袒肩行。

僑居樓上望比叡山。有懷建武年間事。慨然成

咏。

菅晉寶

萬壘峯巒歷檻開。神州名嶽果天台。北門鎖鑰徒然耳。南渡衣冠安在哉。日落山精泣巖穴。雨收湖雪擁



崔嵬風煙長帶英雄恨。天地蒼茫晚色來。

登叡山遇霰

三島毅

雲壓松杉日色微。寒風三月襲人衣。誰知京洛落花雨。比叡山頭作霰飛。

中堂

藤井啓

覆雨翻雲天地昏。倉皇尙想手攀轅。階苔未剝模糊在。莫是忠臣古淚痕。

登四明嶽途中作

北脇志鴻

行經音羽溪。羊腸途九折。須臾旭日晴。取次朝煙滅。

大湖忽入眸。忘險心怡悅。一層到一層。風景增奇絕。

四明嶽

藤井啓

脚底千峯攢刺天。今朝得踏四明巔。吾家住在淀江上。望盡青螺三十年。

音羽瀑

山本秀夫

石裂雲奔勢益振。千尋直下碧嶙峋。白櫻忽被山風拂。疑見神龍飛玉鱗。

觀音羽瀑依丈山先生詩韻。

山田信



京華名勝集卷五終  
雲母坡頭古瀑泉。怒聲風散瀉深淵。遙從俊鷲盤邊  
落。直向神龍蟄處穿。白訝危梢垂匹練。高疑絕壁挂  
長川。石翁仙去少人到。詩境寥寥二百年。

京華名勝集卷五終

讀

讀

京華名勝集題真  
後二首  
杖桑初日在寅賓。瑞氣  
祥雲映。




紫宸龍馭宣威鎮瀛  
海鳳鳴帝化轉洪鈞冕  
務廣和歌將發琴瑟更  
張清正新輯集繁華  
畿甸勝採風雅閱古

今人

京華名勝八新編振藻  
抒情累百篇  
聖代文明訂風雅  
帝居氣象閱山川由來



采典無人舉如此正聲  
當世傳為是萬才優撰  
著寵光炳煥照函年  
明治三年上章敦祥仲夏  
南紀 冷雲道人采并書



新宮涼介撰著并藏版

明治三年庚午十月上梓

發行書賈

京都寺町松原下町

勝村治右衛門

158  
4  
80



